

Kōttōpar ko an katak in:

- Kwaļok bwe Anij ej irooj ioon aolep men im bwe Ej pepeik aolep men.
- Kwaļok bwe armej e jej uwaan.
- Kwaļok bwe Anij ear kōmanman armej bwe en lale laļ in im irooj ioon.

Meļeļe ko reļap ilo katak in:

- Armej e oktak jān aolep men in kōmanman ko jet an Anij.
- Jemjera eo an armej im Anij, e āinjuon jān aolep men in kōmanman ko jet.
- Armej rej an Anij. Kōn men in, ewor an Anij maroñ ioon armej.

Emōj ad lo bwe Baibōl ej Naan in Anij ñan kōj ilo raan kein. Ej jiroñ kōj bwe ejjeļok ear kōmanman Anij. Anij ear jab ļotak āinwōt juon armej. E kar ejjeļok jinoin. Anij ej jān indeeo im ñan indeeo. Anij ej barāinwōt kajoor ioon aolep men bwe Ear kōmanman aolep men.




Jon 1:3 Ear kōmanman men otemjej; im ejjeļok men eo ear jab kōmanman e, men eo emōj kōmanman e.

Ewi men in kōmanman eo eļap an Anij? Ejimwe. Armej. E aorōk bwe jen katak kōn wāween an Anij kōmanman armej, kōnke e oktak wāween An kōmanman e jān wāween An kar kōmanman aolep men ko jet. Katak in enaaj jipañ kōj meļeļe kōn plan an Anij ñan ļomōoren kōj. Ñe e bōd aṃ meļeļe kōn wāween an Anij kōmanman kwe, innām enaaj bōd aṃ meļeļe kōn plan eo An ñan ļomōoren yuk.

1. Anij ear kōmanman armej.

Emōj ad lo bwe Anij ear kōmanman ta ilo jinoin?

- lañ im laļ
- meram
- āne ko im lojet
- men in eddek
- bao im ek
- menninmour ioon āne ko



* **Anij e kajoor jān aolep.**

Etke Anij ear kōmanman aolep men ilo laļ in? Etke Ear kōmanman aolep ek, menninmour, im keinikan? Un leplep eo ej kōnke ear kōnaan. Ear kōmanman men otemjej kōnke ear men in kabuñ būruon. Ear mōñōñō in kōmanman laļ in.



Revelsōn 4:11 Ekkar ñan Kwe, O Irooj im am Anij, bwe Kwōn bōk aiboojoj im nōbar im kajoor; bwe Kwaar kōmanman men ko otemjej im kōn ankilaam raar pād im emōj kōmanman.

Barāinwōt Anij ear kōmanman aolep men bwe En kwaḷok An kajoor.



Sam 19:1 Lañ ko rej kōnnaan kōn aiboojoj an Anij, im mejatoto ej kwaḷok jerbal an Pein.



Jeremaia 32:17 Ah, Irooj Jeova, lo, Kwe eo Kwaar kōmanman lañ ko im laḷ kōn Aḡ kajoor eḷap im kōn peiōm erlōke. Ejjeḷok men Kwō bane.

Men in ej kwaḷok ta kōn Anij? Bwe Anij e kajoor ioon aolep men, im Ej pepeik aolep men. Ejjeḷok men e kajoor jān Anij. Barāinwōt ej kwaḷok An aiboojoj eḷap.

Bōtab, ewor bar juon unin an Anij kōmanman men otemjej ilo laḷ in. Ear kapoje laḷ in ñan armej. Laḷ in ear pojak kadede ñan an armej itok im jokwe ie. Eḡōj an Anij oḡeak armej kōn aolep aikuḷ ko an ḡokta jān An kōmanman e. Ilo iien eo Anij ear jañin kōmanman armej. Men eo āliktata ḡe Anij ear kōḡmane ej men eo eḷap tata. Ewi men eo eḷap tata? Armej. Men in ej kwaḷok ta kōn Anij? Ej kwaḷok bwe eḷap an Anij yokwe im oḡake armej.

*** Anij e jouj im eḡman.**

Ñe enaaj wor juon kemem ilo ḡōn juon armej, rej kōpooji aolep men ḡokta. Rej rarō im karreo im kōmat bwe re kōḡnaan bwe aolep men ren pojak im eḡman ñe armej rej itok. Āindein Anij ear kōpooji laḷ in bwe en itok armej im jokwe ijin.


2. Anij ear kōmanman armej ilo wāween im āinwōt E.



Jenesis 1:26 Im Anij ear ba, Jen kōmanman armej ilo wāweed im āinwōt kōj...

Ej kōnono kōn wōn ke Anij ej ba “Jen” im “kōj”? Ej kōnono kōn Anij Jemad, Nejin, im Jetōb Kwōjarjar. An wōn pepe bwe en wor armej? An Anij pepe. An wōn pepe kōn wāween armej? An Anij pepe.

Ear jab kajjitōk ippān bar juon. Ear jab aikuḷ naan in kapilōk jān bar juon. Ear make pepe kōn aolep men. Eḷap An utiej jān armej im aolep men.



*** Anij e utiej jān aolep im Ej irooj ioon aolep men.**

Etke Anij ear kōmanman armej āinwōt E? Kōnke Ear kōḡnaan bwe armej ren jeḷā e im kōḡḡmao Ippān.

Ta meḷeḷe in men in bwe Baibōḷ ej ba bwe Anij ear kōmanman armej ilo wāween im āinwōt E? Elōñ rej tōmak bwe men in ej kaḡool bwe elōñ ānbwinnen Anij. Rej ba, “Eḷaññe Anij ear kōmanman kōj ilo wāween wōt e, im elōñ ānbwinnōd, e alikkar bwe elōñ ānbwinnen Anij.” ḡool ke men in? E jab. Jej jeḷā bwe eoon in e jab kōnono kōn ānbwinnōd kōnke Anij e Jetōb, im ejjeḷok kanniōkin im diin juon jetōb.



Jon 4:24 Anij e Jetōb im ro rej kabuñ ñan E, ren kabuñ ilo Jetōb im ilo mool.

Ewi jekjekin juon jetōb?



Luk 24:39 Koṃwin lale peiō im neiō, bwe Ña make; koṃwin likūt peōmi ioō im lo, bwe jetōb ejjelōk kanniōken im diin, āinwōt koṃij lo Ippa.

Barāinwōt jej lo bwe wāween ad kabuñ ñan Anij ej kaṃool bwe ejjelōk ānbwinnen.



Duteronomi 4:15,16 Innām koṃwin kanooj kōjparok koṃ; bwe koṃ ar lo ejjelōk wāween ilo raan eo ke Jeova ear kōnono ñan koṃ i Horeb, jān bwiljen kijeek eo; ñe koṃ ab kanaanik koṃ, im kōṃṃan ñan koṃ men in e rej jekjek ilo jabdewōt wāween, eṃṃaan ak kōrā.

Anij e jab kōṃaan bwe jen keememej ak kabuñ ñan E kōn annaṃin juon armej. Bwe? Kōnke Anij e jab ilo jekjekin armej. Ejjelōk joñan Anij. Ejjelōk ānbwinnen āinwōt kōj. Men kein rej kaṃool ñan kōj bwe Anij ear jab kōnono kōn wāween ānbwin ke ej ba bwe Ear kōṃanṃan kōj ilo wāween im āinwōt E.

Innām ta meṃeṃe in men in? **Jej āinwōt Anij ekkar ñan men ko je jab loi.** Jej āinwōt Anij ilo wāween jetōb. Anij ear kōṃanṃan jetōb eo aṃ ilo wāween im āinwōt E. Anij ear kōṃanṃan aṃ ilo wāween im āinwōt E. Je maroñ ba bwe ānbwinnen armej ej āinwōt imōṃ jetōb eo an.

1. Elōñ an Anij loṃātāt, im ear leṃok loṃātāt in ñan armej.

Ejjelōk an kidu ak ek loṃātāt. Ejjelōk an jabdewōt menninmour loṃātāt. Elōñ an armej wōt loṃātāt! Anij e kōṃaan kōṃṃao ippān armej, im E kōṃaan bwe ren kōṃṃao Ippān.

Kōn an wor loṃātāt, armej re maroñ loṃṃak im pepe im katak. Moool juon kidu e maroñ katak jet men, ak ban maroñ kōṃṃao ippān armej im kwaṃok būruon im kōṃṃan men ko rekāal.

Meñe elōñ ad maroñ in loṃṃak, āinwōt Anij, e jab meṃeṃein bwe je maroñ loṃṃak joñan wōt Anij. Armej eo e mālotlōt tata ilo laṃ in ej āinwōt juon ajri jidikdik ñe keidi ippān Anij.

2. Elōñ an Anij eñjake, im ear leṃok eñjake in ñan armej.

Anij ej yokwe armej, im E kōṃaan bwe armej ren yokwe E. Anij e jeṃa ṃoṃoṃo, būromōj, illu, yokwe, im dike. Armej rej barāinwōt jeṃa eñjake kein.

Juon rūtto me elōñ nejin ej yokwe nejin. Im e kōṃaan ke bwe ro nejin ren yokwe e? Aet! Āindein Anij. Anij ej yokwe armej, im Ear pepe bwe en kōṃṃan armej bwe en maroñ in yokwe E.

3. Elōñ ankilaan Anij.

Ilo bar juon wāween ba, elōñ an armej maroñ in kāālōt. Elōñ an maroñ bwe en make pepe kōn mour eo an. Anij ear leṃok maroñ in ñan armej. Eṃōj an Anij pepe kōn elōñ men. Ear pepe in kōṃanṃan armej. Ear pepe in yokwe armej. E kōṃaan bwe ren pepe in yokwe im pokake E. E kōṃaan bwe armej ren kāālōt e.

Ñe kwōj ruj ilo jibboñ, kwōj pepe kōn nuknuk ko kwōnaaj kōṃaki. Kwōj pepe kōn ta eo kwōnaaj ṃōñā ilo aṃ mabuñ. Ke kwōj kōṃṃan aṃ nuknuk, elōñ ke an nuknuk ko pepe kōn eṃaññe kwōnaaj kōṃaki ke? Jaab. Elōñ ke maroñ an ṃōñā ko pepe eṃaññe



kwōnaaj kāālōt im kañe ke? Jaab. Eļaññe kwōj kattōr wa, elōñ ke pepe an wa eo kōn ia eo im kwōj etal ñan ie? Jaab. Anij e maroñ kar kōmman armej āinwōt men kein me ejjelōk aer pepe. Āindein An kar kōmanman aļ eo, im allōñ, im iju ko. Bōtab Anij ear leļok ñan armej maroñ in kāālōt im pepe kōn kōmman ko an.

Anij ear leļok loļātāt ñan armej bwe ren jeļā E im kōmmao Ippān. Ear leļok eñjake ko ñan armej bwe ren yokwe E. Ear leļok anemkwōj ñan armej bwe ren make pepe in loore Anij im pokake e. Anij ear kōmanman armej ilo wāween im āinwōt E.

Men in ej kwaļok ta kōn Anij? Anij e kōnaan kōmmao ippān armej. Erri men in kōmanman ko jet im Anij e kōnaan kōmmao ippaer? Ejjelōk. Ewor an armej wōt maroñ bwe En kōmmao ippān armej ro jet im ippān Anij.

Anij ear kōmanman armej

- bwe en maroñ jeļā Anij im loṃṃnak kōn Anij im men ko Ej ba im kōmman
- bwe en maroñ yokwe Anij jān būruon
- bwe en maroñ kōnono ippān Anij
- bwe en maroñ kōmman jermal ko an Anij ioon laļ in
- bwe en maroñ in pokake Anij jān būruon
- bwe en loor Anij im jujen kaṃōṃōṃōik Anij im e make

3. Anij ear kōmanman armej jān bwidej.

Anij ear kōmmani aolep mōttan ko in ānbwinnen armej jān bwidej, bōtab ear jañin mour. Ear āinwōt juon ri mej. Ear āinwōt juon statue ak ekjab bajjek. Ānbwinnen Adam ear jaje loṃṃnak, eñjake, im pepe. Ear jañin ilo annañin Anij.

* Anij e kajoor jān aolep.



Jenesis 2:7 Im Jeova Anij ear kōmman im ña wāween armej jān būñalñal in āne, im Ear uuki ilo bōtin menono in mour; im armej eo ej mour.

Ke eṃōj an Anij uuki ilo bōtin armej menono in mour, ear jeļā loṃṃnak, eñjake, im pepe. Kiiō, armej ej ilo wāween Anij im āinwōt E. Armej e oktak jān jabdewōt bar juon men ilo laļ in. Anij wōt e maroñ kemour. E wōt e maroñ kōmmane juon men jān ejjelōk. Aļ eo, ak allōñ, ak menninmour ko, ak enjeļ ro, ak Jetan re jab maroñ leļok mour. Aolep men rej bōk aer mour jān Anij.



Jej kajerbal jarom aolep iien. Jej aikuji bwe en bwil tōma ko im jermal deel im radio im air conditioner. Ñe e kun jarom, je jab maroñ kajerbal men kein me je minene kaki. Kajoor in jarom ej itok jān MEC, im āindein ad mour ej itok jān Anij. Ñe ejjelōk, je mej. Jej aikuji E bwe en wor mour.

4. Anij ear kōmman armej bwe en irooj ioon aolep men ko ilo laļ in.

Adam ej jemān ri laļ in. Aolep armej ro jet raar waļok jān e. Ri China, Ri Kilmej, Ri Nūkne, im ri mouj rej aolep ro nejin Adam.



Jenesis 1:28 ...komwin irooj ioon ek in lojet, im ioon bao in mejatoto, im ioon men otemjej rej mour im makũtkũt ioon laɭ.

*** Anij e utiej jãn aolep im Ej irooj ioon aolep men.**

Etke Anij Ear leɭok laɭ in ñan armej bwe ren lale? Etke Ear jab leɭok ñan enjeɭ ro ak jetõb ro? Kõnke ej An wõt pepe. Anij ear kõmanman men otemjej, im kõn men in rej An. Kõn men in ewor An maroñ in pepeik aolep men.



Sam 24:1 An Jeova laɭ im kobban, ãne im ro rej jokwe ilowaan.

Anij ear leɭok ñan armej bwe en bõk eddo kõn men ko ilo laɭ in. Anij ear kõnaan bwe en katak im lale men ko emõj an Anij liɭok ñan e. Ewor an Anij maroñ in liɭok men kein ñan armej im bwe En jiroñ armej kõn ta ko en kõmmani ioon laɭ in kõnke Ear kõmanman aolep men.

Jen ba bwe ewor juon ri ñweie me elõñ an business im elõñ jikin jokwe. Ewor juon nejin likao me eɭap an yokwe. Innãm juon raan ri ñweie eo ej pepe bwe ej ien liɭok aolep men ñan likao eo nejin bwe likao eo en lale im bõk eddo kõn aolep men kein. Jemãn e jeɭã bwe nejin enaaj aikuj naan in kapilõk jãn e, im jemãn e ñõñõñõ in jipañ im liɭok aolep men ñan nejin im bwe en kõnono ippãn nejin kõn wãween lale men kein. Æindein Anij ear kõpooji laɭ in, im Ear ñõñõñõ in liɭok men kein ñan armej bwe en lale im kõjparoki. Anij ear jiroñ Adam kõn ta ko en kõmmani.

*** Ewor an Anij maroñ in jiroñ armej kõn aolep men.**

Mõjen an Anij kõmanman Adam im Ib, e kar dedeɭok An jermal. Anij e kwõjarjar im weepãn, im aolep men ko Ear kõmmani raar weepãn im aiboojoj. Ilo jinoin, ejjeɭok armej ak menninmour raar manman bwe ren mõñã. Armej im kidu raar jab man doon. Aolep menninmour ko kab armej raar pãd ippãn doon ilo aenõmman.



Jenesis 1:31 Anij Ear lo men otemjej Ear kõmanman i, im, lo, re kanooj emman.

Armej ej men in kõmanman eo eɭap tata an Anij. Anij ear kõmanman e ilo weepãn im ejjeɭok notaan. Anij ear likũt e ilo juon laɭ e weepãn im aiboojoj. Meñe ear weepãn im erreõ jukjuk in pãd an Adam, ear buñ. Aolep jorrãan ko me jej loi ilo raan kein raar waɭok jãn jerõwiwi eo an armej. Eɭañne Adam ear ñak kõjparok laɭ in jãn jerõwiwi, naaj ewi wãween am kõjparok e? Naaj ewi wãween am make oktak im jermal ñan Anij? Naaj ewi wãween am kõjparok kien ko An? E ban. Kwõj aikuj e juon ri lomõõr.

Kajjitõk ko:

1. Etke Anij ear kõmanman aolep men?
2. Anij ear kõmanman laɭ in ñan wõn?
3. Ewi oktak eo eɭap ikõtaan wãween kõmanman armej im wãween kõmanman aolep men ko jet?

4. An Anij kōmanman arnej ilo wāween im āinwōt E ej meļeļe in ta?
5. Ewi men in kōmanman eļap an Anij?
6. Ewi kar jermal eo eļap im Anij ear leļok ñan arnej?
7. Aolep men in kōmanman ko an Anij raar āinwōt ta ilo jinoin?
8. Emman ke an Adam kar kōjparok laļ in jān jerowiwī?
9. Je maroñ ke kōjparok kōj jān jerowiwī im bōk anjo ioon?